

# 2. Mart. Luth. vber die Geistliche Lieder.

Als Geistliche Lieder zusingen / gut vnd Gott  
Dangenem sey / acht ich / sey keinem Christen  
verborgen. Dieweil jederman nicht allein die Ex-  
empel der Propheten / vnd Könige im alten Testa-  
ment (die mit singen vnd klingen / mit tichten / vnd  
allerley Seitenspiel / Gott gelobet haben) Son-  
dern auch solcher brauch / sonderlich mit Psalmen /  
gemeiner Christenheit / von anfang fund ist. Ja  
auch S. Paulus solchs I. Cor. 14. eingesezet / vnd  
Coloss. 3. gebeut / von hertzen dem H. Erren singen /  
Geistliche Lieder vnd Psalmen / Auff das dadurch  
Gottes Wort / vnd Christliche Lehre / auff allerley  
weise getrieben / vnd geübet werde.

Demnach habe ich auch / sampt etlichen andern  
zum guten anfang vnd ursach zu geben / denen / die  
es besser vermögen / etliche Geistliche Lieder zusam-  
men bracht / das heilige Euangelium / so jetzt von  
Gottes gnaden wider auffgangen ist / Zutreiben /  
vnd in schwang zubringen / dz wir vns auch möch-  
ten